



---

REPUBLIKA E SHQIPËRISË

**KOMITETI SHTETËROR PËR KULTET**

**RAPORTI VJETOR I PUNËS**

**VITI 2023**

---

Bulevardi Zogu I, Nd. 9, H. 4, Ap. 7, 1016, Tiranë; Tel +355042227131;  
e-mail: komitetishk@kshk.gov.al

## **PËRMBAJTJA**

### **KAPITULLI I**

**FAQE 4 - 8**

- **KUADRI LEGJISLATIV I SË DREJTËS SË LIRISË SË FESË E BESIMIT NË SHQIPËRI.**
- **KUADRI INSTITUCIONAL FETAR PËR VITIN 2023.**
- **KUADRI LIGJOR MBI TË CILIN BAZOHET VEPRIMTARIA E KSHK DHE ORGANIZIMI I TIJ.**

### **KAPITULLI II**

**FAQE 9 – 12**

- **DREJTIMET KRYESORE PËR REALIZIMIN E OBJEKTIVAVE GJATË VITIT 2023**

### **KAPITULLI III**

**FAQE 13 - 21**

#### **BUXHETI PËR VITIN 2023:**

- **ZËRAT EKONOMIKË DHE REALIZIMET E TYRE.**
- **PROKURIMET.**
- **KONKLUSIONE.**

## **AKRONIME**

- **ASHK** – *Agjensia Shtetërore e Kadastrës*
- **BF** – *Bashkësi Fetare*
- **KSHK** – *Komiteti Shtetëror për Kultet*
- **KMSH** – *Komuniteti Mysliman i Shqipërisë*
- **KOASH** – *Kisha Ortodokse Autoqefale e Shqipërisë*
- **KKSH** – *Kisha Katolike në Shqipëri*
- **KBB** – *Kryegjyshata Botërore Bektashiane*
- **VUSH** – *Vëllazëria Ungjillore e Shqipërisë*
- **MEPJ** – *Ministria për Evropën dhe Punët e Jashtme*
- **MSHMS** – *Ministria e Shëndetësisë dhe Mbrojtjes Sociale*
- **MASR** – *Ministria e Arsimit dhe Sportit*

## **HYRJE**

Komiteti Shtetëror për Kultet, si një institucion qendror, në varësi të Kryeministrit, vepron në bazë të VKM-së Nr. 459, datë 23.09.1999, i ndryshuar dhe, në ushtrimin e detyrës së tij, i nënshtrohet zbatimit të së drejtës kushtetuese të lirisë së fesë e besimit dhe të konventave ndërkombëtare të ratifikuara nga shteti shqiptar, në këtë fushë. Mbarëvajtja e institucionit është bërë e mundur në sajë të bashkëpunimit shumëpalësh me Bashkësitë fetare, me OJF-të me karakter fetar dhe me institucionet shtetërore në nivel qendror dhe vendor. Gjatë vitit 2023, veprimtaria e KSHK-së është udhëhequr nga legjislacioni në fuqi dhe nga Plani Buxhetor Afatmesëm 2023-2025 (VKM nr. 536, datë 29.7.2022 “Për miratimin e projektdokumentit të Programit Buxhetor Afatmesëm 2023-2025”), ku janë të përcaktuara qartë objektivat, drejtimit, mënyrat e realizimit të tyre, shoqëruar me shpenzimet përkatëse të alokuara. Institucioni është treguar i kujdesshëm që të forcojë klimën e respektit për besimin fetar në vend, si një faktor për fuqizimin e bashkëjetesës fetare tradicionale dhe si vlerësim për kontributin shoqëror-arsimor-shëndetësor të bashkësive dhe organizatave fetare në jetën shqiptare. Me një vëmendje të veçantë në sigurimin e së drejtës së besimit, duke i konsideruar fetë si kontribues dhe partnerë të fuqishëm në përhapjen e vlerave morale dhe zgjidhjen e problematikave sociale, KSHK është angazhuar totalisht për ngritjen e nivelit koordinues mes shtetit dhe feve.

## **KAPITULLI I**

### **➤ Kuadri legjislativ i së drejtës së lirisë së fesë e besimit në Shqipëri**

Kushtetuta e Republikës së Shqipërisë, me nenet 10 dhe 24, garanton të drejtën e lirisë së besimit dhe siguron ndarjen dhe pavarësinë e shtetit nga feja. Në to shprehimisht thuhet:

*Neni 10: 1. Në Republikën e Shqipërisë nuk ka fe zyrtare. 2. Shteti është asnjans në çështjet e besimit e të ndërgjegjes dhe garanton lirinë e shprehjes së tyre në jetën publike. 3. Shteti njeh barazinë e bashkësive fetare. 4. Shteti dhe bashkësitë fetare respektojnë në mënyrë të ndërsjelltë pavarësinë e njëritjetrit dhe bashkëpunojnë në të mirë të secilit dhe të të gjithëve. 5. Marrëdhëniet ndërmjet shtetit dhe bashkësive fetare rregullohen mbi bazën e marrëveshjeve të lidhura ndërmjet përfaqësuesve të tyre dhe Këshillit të Ministrave. Këto*

*marrëveshje ratifikohen në Kuvend. 6. Bashkësitë fetare janë persona juridikë. Ato kanë pavarësi në administrimin e pasurive të tyre sipas parimeve, rregullave dhe kanoneve të tyre, për sa nuk cenohen interesat e të tretëve.*

Neni 24: 1. Liria e ndërgjegjes dhe e fesë është e garantuar. 2. Secili është i lirë të zgjedhë ose të ndryshojë fenë ose bindjet, si dhe t'i shfaqë ato individualisht ose kolektivisht, në publik ose në jetën private, nëpërmjet kultit, arsimimit, praktikave ose kryerjes së riteve. 3. Askush nuk mund të detyrohet ose të ndalohet të marrë pjesë në një bashkësi fetare ose në praktikat e saj, si dhe të bëjë publike bindjet ose besimin e tij.

Njëkohësisht, ligjet mbështetëse në këtë fushë, rrisin efektivitetin dhe bëhen provë e fuqishme e zbatimit në jetë të këtyre të drejtave. Këtë e dëshmon panorama e larmishme fetare e vendit tonë, ku ndërthuren fe dhe tradita fetare të ndryshme, dhe ku, krahas pesë komuniteteve kryesore fetare, të cilat kanë ratifikuar marrëveshje reciproke me Qeverinë Shqiptare, ushtrojnë misionin e tyre, edhe besime të tjera, të përfaqësuara nga dhjetëra fondacione, organizata apo shoqata.

E drejta e lirisë apo besimit fetar, rrjedh gjithashtu, nga angazhimet në nivel ndërkombëtar që shteti shqiptar ka pranuar dhe zbatuar. Shqipëria ka ratifikuar 9 traktate ndërkombëtare për të drejtat civile dhe politike, në respektimin, mbrojtjen dhe përmbushjen e të drejtës së fesë apo besimit krahas pjesëmarrjes dhe rolit të saj aktiv në Këshillin Evropian.

Rezultatet e arritura në këtë drejtim, janë bërë objekt i vlerësimit nga ana e organizmave ndërkombëtare të interesuar në këtë fushë. Këtë e dëshmojnë deklaratat nga takimet dhe raportet e ndryshme të përfaqësuesve ndërkombëtarë, ku evidencohet roli pozitiv dhe inkurajues i shtetit shqiptar për ushtrimin dhe mbrojtjen e lirisë së fesë apo besimit, dëshmi e të cilës është mungesa e rasteve të denoncuara të diskriminimit për shkak të përkatësisë fetare apo e problemeve sistematike dhe thelbësore në këtë fushë, edhe gjatë vitit 2023.

Aktualisht, përveç 5 bashkësive fetare që kanë nënshkruar marrëveshje specifike me Qeverinë shqiptare, ushtrojnë aktivitetin e tyre dhe shumë besime të tjera, që veprojnë në formën e shoqatave/organizmave me karakter humanitaro-fetar. OJF-të udhëhiqen nga legjislacioni kryesor përkatës ekzistues, i cili përfshin, por nuk kufizohet, me Kushtetutën Shqiptare, të ndryshuar, **Ligjin nr. 8788, datë 7.05.2001 “Për Organizatat Jofitimprurëse”, i ndryshuar dhe Ligji nr. 80/2021 “Për regjistrimin e organizatave jofitimprurëse”.** OJF-të e huaja ushtrojnë

veprimtarinë e tyre në Shqipëri në përputhje me Kushtetutën shqiptare dhe legjislacionin e organizatave jofitimprurëse.

➤ **Kuadri institucional fetar për vitin 2023**

Bashkësitë fetare si vijon: 1) Komuniteti Mysliman i Shqipërisë, 2) Kisha Ortodokse Autoqefale e Shqipërisë, 3) Kisha Katolike në Shqipëri, 4) Kryegjyshata Botërore Bektashiane dhe 5) Vëllazëria Ungjillore e Shqipërisë, kanë nënshkruar marrëveshjeve për marrëdhënie të ndërsjella me Këshillin e Ministrave. Këto të fundit që janë ratifikuar në parlament me ligjet përkatëse: Ligji nr. 8902, datë 23/05/2002, Ligji nr. 10056, datë 22/01/2009, Ligji nr. 10057, datë 22/01/2009, Ligji nr. 10058, datë 22/01/2009, ligji nr. 10394, datë 10/03/2011, vendosin kornizën ligjore mbi të cilën bazohen raportet mes shtetit dhe bashkësive fetare. Njëkohësisht ligjet e mësipërme, u krijojnë komuniteteve fetare, kushtet që të ushtrojnë lirisht të drejtën e tyre të besimit, edukimit fetar, aktiviteteve, shërbesave etj. Katër prej këtyre bashkësive, që prej vitit 2009 asistohen financiarisht nga shteti shqiptar për pagat dhe sigurimet shoqërore të punonjësve laikë të administratës dhe arsimit, në zbatim të ligjit Nr. 10140, datë 15.05.2009 “Për financimin nga buxheti i shtetit të bashkësive fetare, që kanë nënshkruar marrëveshje me Këshillin e Ministrave”. Shuma e akorduar nga Këshilli i Ministrave ishte në masën prej 113.000.000 lekësh, e shpërndarë me VKM-në nr. 306, datë 24.05.2023, “Për përcaktimin e masës së financimit, në buxhetin e shtetit 2023, për bashkësitë fetare që kanë nënshkruar marrëveshje me Këshillin e Ministrave”.

Krahas bashkësive fetare të sipërpërmendura, në Republikën e Shqipërisë ushtrojnë të drejtën kushtetuese të lirisë së fesë, besime të tjera, siç janë: Baha'i, Dëshmitarët e Jehovait, Kisha e Shenjtorëve të Ditëve të Mëvonshme, Xhemati Ahmaddya, e shumë të tjerë, që veprojnë nëpërmjet shoqatave/ organizatave/ fondacioneve me karakter humanitaro – fetar, të regjistruara në Gjykatën e Rrethit Gjyqësor, në zbatim të ligjit Nr. 8788, datë 07.05.2001, “Për Organizatat Jofitimprurëse”.

➤ **Kuadri ligjor mbi të cilin bazohet veprimtaria e KSHK dhe organizimi i tij**

Komiteti Shtetëror për Kultet u krijua me Vendim të Këshillit të Ministrave Nr. 459, datë 23.09.1999 , “Për krijimin e Komitetit Shtetëror për Kultet”, si vazhde e Sekretariatit mbi fenë dhe shprehje e qartë e ndjeshmërisë që qeveria shqiptare tregon për rolin e fesë në shoqëri. Vendimi i sipërpërmendur u pasua me ndryshime në varësinë dhe organikën e KSHK-së, si vijon: me VKM-në Nr. 128, datë 11.03.2004, me VKM-në Nr. 666, datë 26.10.2005, me VKM-në Nr. 777, datë 14.12.2005, me VKM-në Nr. 344, datë 07.06.2006, me VKM-në 1029, datë 27.11.2003 dhe me VKM-në Nr. 602, datë 10.09.2014, me Urdhrin e Kryeministrit Nr. 229, datë 15.12.2023 “Për miratimin e organikës së Komitetit Shtetëror për Kultet”, pa ndryshuar natyrën e tij si hallkë rregullatore mes Shtetit dhe feve.

Komiteti Shtetëror për Kultet ka si funksion kryesor: *“për të ndihmuar në krijimin, ndryshimin dhe shuarjen e marrëdhënieve ndërmjet shtetit dhe bashkësive fetare, që kanë objekt dhe ndjekin qëllime besimi dhe ndërgjegje, sipas ligjit në Republikën e Shqipërisë”*.

Ky institucion synon dhe ka si përparësi të veprimtarisë së vet, punën për:

- Zbatimin e detyrimeve kushtetuese;
- Plotësimin e kuadrit ligjor mbi marrëdhëniet e shtetit me fenë;
- Zbutjen dhe shuarjen e konflikteve që mund të çënojnë harmoninë ndërfaqetare në vend.

Përgjegjësitë kryesore të KSHK-së mund të përmbliidhen si vijon:


- Bashkërendimin e marrëdhënieve me komunitetet fetare, shoqatat, fondacionet fetare ose humanitare-fetare;
- Garantimin e lirisë së besimit dhe për zhvillimin, bashkëpunimin, mirëkuptimin dhe tolerancën ndërfaqetare në Shqipëri, duke qenë asnjëherë në çështjet e besimit dhe duke njohur barazinë e bashkësive fetare dhe respektuar pavarësinë e tyre;
- Shprehjen e mendimit të tij Ministrisë së Arsimit dhe Shkencës, lidhur me planin mësimor, programet dhe tekstet e pjesës joligjore, për kërkesat e paraqitura për hapjen e institucioneve arsimore jopublike, institucioneve arsimore plotësuese jopublike, ku zhvillohen lëndë fetare dhe në bashkëpunim me atë institucion, në varësi të ndarjes administrative territoriale, të interesave të përbashkëta ekonomike dhe të traditës historike e fetare;

- Interesimin për ruajtjen e vlerave të objekteve të kultit në bashkëpunim me Institutin Kombëtar të Trashëgimisë Kulturore dhe me komunitetet fetare;
- Paraqitjen e mendimit të tij Ministrisë së Financave, lidhur me hyrjen në territorin e Republikës së Shqipërisë të mallrave me karakter fetar për komunitetet fetare dhe për përjashtimin e tyre nga taksa doganore, në përputhje me ligjet në fuqi;
- Vendosjen dhe forcimin e bashkëpunimit me institucionet homologe të vendeve të tjera e të diasporës, në funksion të promovimit të bashkëjetesës fetare në vend.

### ➤ Organizimi i KSHK-së

Në bazë të Urdhrit të Kryeministrit Nr. 229, datë 15.12.2023 “Për miratimin e organikës së Komitetit Shtetëror për Kultet”, organika e Institutit përbëhet nga: 1 Kryetar, 5 Anëtarë, 3 Specialistë dhe një shofer.

#### ORGANIGRAMA:



Përveç detyrave të paraqitura në organigramën e mësipërme, Kryetari i KSHK-së bën ndarje detyrash sipas përgjegjësisë dhe nevojave institucionale, në përmbushje të detyrimeve ligjore.



Titullari, për shkak të organikës së thjeshtuar, edhe gjatë vitit 2023, ka qenë përgjegjës për ndjekjen e plotësimit të objektivave specifike për secilin punonjës dhe ka bërë vlerësimin e performancës për ta, gjatë gjithë harkut kohor të vitit 2023. Ky proces i nështrohet legjislacionit në fuqi për administratën publike dhe menaxhimin e kontrollin financiar në njësitë qendrore publike.

Struktura e thjeshtë organike krijon kushtet për një kontroll të brendshëm efikas dhe të vazhdueshëm, gjë që ndikon pozitivisht në ritmet e punës së KSHK-së dhe në mungesën e humbjeve kohore që mund të shkaktoheshin nga burokracia brenda institucionit.

## **KAPITULLI II**

### ***Drejtimet kryesore për realizimin e objektivave gjatë vitit 2023***

Komiteti Shtetëror për Kultet funksionon në zbatim të VKM-së nr. 459, datë 23.09.1999, i ndryshuar me VKM nr. 128, datë 11.03.2004. Pika 1, që shprehimisht thotë: “...krijimin e KSHK për të ndihmuar në krijimin, ndryshimin dhe shuarjen e marrëdhënieve ndërmjet shtetit dhe bashkësive fetare, që kanë objekt dhe ndjekin qëllime besimi dhe ndërgjegje, sipas ligjit në Republikën e Shqipërisë ...”, çka përcakton rolin kryesor të tij.

KSHK, edhe gjatë vitit 2023, ka vijuar të kryejë rolin bashkërendues të tij, mes shtetit dhe organizmave fetarë. Kjo është realizuar duke u udhëhequr nga parimet e ligjit themeltar të shtetit, Kushtetutës së Republikës së Shqipërisë, që me nenet 10 dhe 24 garanton të drejtën e lirisë së fesë e besimit, si dhe të legjislacionit në fuqi mbi fenë dhe organizmat fetarë.

Komiteti Shtetëror për Kultet, si çdo institucion i administratës shtetërore, përcakton objektiva afatmesëm e afatshkurtër, për përmbushjen e misionit të tij. Këto objektiva reflektohen dhe dokumentohen në Programin Buxhetor Afatmesëm, në Planin Vjetor të Punës dhe në planet specifike të punonjësve, të cilat përpilohen nga vetë Titullari.

#### **➤ Kalendar i aktiviteteve të zhvilluara gjatë vitit 2023**

Në bazë të veprimtarisë së tij, Komiteti Shtetëror për Kultet ka kryer një sërë aktivitesh brenda dhe jashtë vendit të parashikuara gjatë vitit 2023.

1. Janë organizuar dhe zhvilluar takime të rëndësishme me organizma qendrore/lokale të interesuara për promovimin e harmonisë fetare shqiptare, në të gjitha qytetet kryesore të vendit dhe rrethinat e tij.

Në mënyrë periodike e të vazhdueshme, Anëtarët dhe Kryetari i KSHK-së kanë zhvilluar takime me përfaqësues të komuniteteve fetare dhe kanë ndjekur një sërë aktivitetesh, konferencash, seminaresh e simpoziumesh shkencore të organizuara prej tyre në vend, si:

- Konferenca e Komisioni Kombëtar i Edukimit Katolik Shqiptar: “Kultura e pluralizmit dhe e gjithëpërfshirjes në edukim. Integrimi i vlerave europiane në sistemin arsimor shqiptar”;
- Konferenca e Akademisë së Shkencave të Shqipërisë: “Kurani, shkrimi i shenjtë i Islamit dhe Islami në Europë”;
- Ceremonia nënshkrimit të aktit të binjakëzimit midis dy shenjtëroreve Itali dhe Shqipëri;
- Konferenca “Angazhimi i të rinjve për ndërtimin e një komuniteti të qëndrueshëm”, në kuadër të projektit të organizuar nga Komuniteti Mysliman i Shqipërisë në bashkëpunim dhe me financim të Ambasadës Amerikane në Tiranë;
- Aktiviteti me rastin e 30-vjetorit të vizitës së Papa Gjon Palit II në Shqipëri;
- Aktiviteti tradicional “Ditët e Naim Frashërit”, nën përkujdesjen e Kryegjyshitës Botërore Bektashiane;
- Takim i Kryetarit të Bashkisë Tiranë, me rastin e Krishtlindjeve, me krerët dhe përfaqësuesit e besimit katolik, ortodoks dhe ungjillorë;
- Aktivitet kushtuar At Zef Pllumit “In Memoriam, Andërr Zhgjandërr”.
- Takime të Kryetarit të Komitetit Shtetëror për Kultet dhe Anëtarëve, me Krerët lokalë fetarë;
- Takime të Kryetarit të Komitetit Shtetëror për Kultet dhe Anëtarëve, me përfaqësues të pushtetit vendor;
- Vizita të Kryetarit të Komitetit Shtetëror për Kultet dhe Anëtarëve, nëpër shkollat e bashkësive fetare, si dhe në objektet fetare me status monument kulture (KMSH, KOASH, KKSH, KBB, VUSH); etj.

2. Janë zhvilluar takime të rëndësishme me organizmat ndërkombëtarë që trajtojnë çështje të të drejtave të njeriut dhe të lirisë së besimit e fesë. Në kuadër

të raportimit dhe promovimit të vlerave të harmonisë dhe bashkëjetesës ndërfaqetare në arenën ndërkombëtare, ndër të tjera mund të përmendim:

- pjesëmarrjen në Konferencën në aktivitetin e organizuar nga ODIHR, në Shkup, në 5-6 qershor 2023;
- takimet zyrtare në Këshillin Kombëtar të Bashkësive Fetare në Bullgari, në kuadër të krijimit të një rrjeti bashkëpunimi mes homologësh në Rajonin Ballkanik, njohjes të kuadrit ligjor lidhur me çështjet e fesë, e sfidave me të cilat përballen institucionet për krijimin e kushteve optimale të shprehjes së lirisë së besimit, në 07- 09 qershor 2023;
- takimet me përfaqësues të Këshillit Ndërfetar të Bosnjë-Hercegovinës, në kuadër të zgjerimit të mëtejshëm të rrjetit të bashkëpunimit mes institucioneve të cilat punojnë në drejtim të përmirësimit të marrëdhënive ndërfaqetare në Rajonin e Ballkanit në 10-12 korrik 2023;
- takimet me përfaqësues të Zyrës së Komisionit për Marrëdhënie me Bashkësitë Fetare në Kroaci, në 12-14 korrik 2023;
- takimet zyrtare në Vatikan, me Presidentin e Dikasterit për Dialogun Ndërfetar dhe personalitete të tjera në Selinë e Shenjtë, në 26-27 nëntor 2023;
- pjesëmarrjen në Konferencën Ministrore tre ditore të Republikës Çeke të Aleancës Ndërkombëtare për Lirinë Fetare/Besimit, me temë: “Liria e besimit në regjimet autoritare”, në 28-30 nëntor 2023.

#### ➤ **Vlerësime nga organizmat ndërkombëtare**

Në kuadër të bashkëpunimit të Komitetit Shtetëror për Kultet me Ambasadën Amerikane në Tiranë, për raportin vjetor ndërkombëtar për të drejtat e njeriut, për kapitullin e lirisë së fesë, institucioni ynë paraqet një pasqyrë vjetore lidhur me çështjet e besimit në vend. Në këtë raport vlerësohet roli i KSHK-së, nën autoritetin e Kryeministrit, si bashkërendues i marrëdhënieve mes qeverisë dhe të gjitha organizmave me karakter fetar.

Në Progres-Raportin të vitit 2023 të Bashkimit European është çmuar mbështetja e qeverisë në drejtim të lirisë së mendimit, ndërgjegjes dhe fesë. Shteti ka vazhduar të ofrojë të njëjtin nivel të mbështetjes financiare për bashkësitë fetare, që kanë nënshkruar marrëveshje.

#### ➤ **Bashkëpunimi me institucionet qendrore dhe ato lokale**

Komiteti Shtetëror për Kultet ka vijuar bashkëpunimin me institucionet qendrore, duke dhënë mendimet dhe kontributin e tij, ku ndër më kryesoret kanë qenë në kuadër të:

- Vlerësimit Kombëtar të Riskut, në lidhje me pastrimin e parave dhe financimin e terrorizmit nga OJF-të në Shqipëri, në bashkëpunim me Agjencinë e Inteligjencës Financiare;
- procesit të regjistrimit të pronës së paluajtshme të zyrave të Komitetit Shtetëror për Kultet pranë Agjencisë Shtetërore të Kadastrës, në zbatim të Urdhrit të Brendshëm të Sekretarit të Përgjithshëm të Kryeministrit Nr. 13, datë 05.07.2023 “Për ngritjen e grupit të punës për organizimin dhe ndjekjen e procesit të evidentimit dhe regjistrimit të pronave të paluajtshme shtetërore, në përgjegjësi administrimi të Kryeministrit”;
- kontributit të Qeverisë Shqiptare për Raportin e Komisionit Evropian për Shqipërinë për vitin 2023: të procesit të hartimit të Udhërrëfyesit për Shtetin e së Drejtës si dhe të Grupit Ndërinstitucional të Punës për Integrimin Evropian (GNPIE) për Kapitullin 23 “Gjyqësori dhe të Drejtat Themelore”.

#### ➤ **Nevoja për përmirësim**

Në zbatim të detyrës së tij ligjore të shprehur në pikën 2/2 dhe 2/5 të VKM –së nr. 459, datë 23/09/1999, “Për krijimin e KSHK”, shprehimisht: “*Negocion për përgatitjen e marrëveshjeve ndërmjet përfaqësuesve të bashkësive fetare dhe Këshillit të Ministrave*” dhe “*Bashkëpunon me bashkësitë fetare për përgatitjen e projektligjeve dhe akteve nënligjore, që kanë të bëjnë me kultet fetare*”, institucioni, gjatë vitit 2023, është përqendruar në përgatitjen e propozimeve nënligjore që lidhen me problematika të ndryshme të bashkësive fetare.

Duke patur parasysh kërkesat e bashkësive fetare për rishikim të ligjeve në bazë të të cilëve janë lidhur marrëveshjet me shtetin, Komiteti Shtetëror për Kultet ka vijuar angazhimin institucional në këtë drejtim. Marrëveshjet e nënshkuara mes Këshillit të Ministrave dhe bashkësive fetare i përkasin një periudhe të para disa vjetëve, ku nevojat e këtyre të fundit ishin të tjera krahasuar me ditët e sotme. Përveç kësaj, duke qenë se disa aspekte juridiko-fiskale të këtyre marrëveshjeve paraqesin paqartësi në zbatim nga institucionet shtetërore, rishikimi bëhet i domosdoshëm. Për këtë qëllim, gjatë vitit janë zhvilluar takime konsultuese me

bashkësitë fetare, duke i konsideruar si palët e interesit. Në këto takime është mbledhur informacion mbi kërkesat/propozimet e bashkësive fetare, për të cilat do të adresohen në institucionet e linjës. Çështje e rëndësishme që kërkon zgjidhje dhe vijon të diskutohet është dhe çështja e kthimit të pronave që u përkasin bashkësive fetare, të sekuestruara nga shtetit gjatë regjimit komunist.

### **KAPITULLI III** **Buxheti për vitin 2023**

Komiteti Shtetëror për Kultet është një institucion qendror dhe si i tillë, i nënshtrohet legjislacionit në fuqi për administratën publike. Duke qenë një institucion buxhetor dhe duke përfituar fonde nga buxheti i shtetit, ai harton politikat e tij në linjë me politikat qeveritare mbi fenë, duke i alokuar fondet përkatëse për realizimin e objektivave të parashikuara.

Për këtë qëllim dhe në zbatim të Ligjit nr. 9936, datë 26.6.2008 “Për Menaxhimin e Sistemit Buxhetor në Republikën e Shqipërisë”, i ndryshuar, ligjit nr. 84/2022, “Për Buxhetin e vitit 2023”, i ndryshuar, Udhëzimit Nr. 9, datë 20.03.2018, “Për procedurat standarde të zbatimit të buxhetit”, i ndryshuar, dhe të Udhëzimit plotësues Nr. 2, datë 19.1.2023, “Për zbatimin e buxhetit të vitit 2023”, të gjithë komponentët e PBA 2023-2025 janë hartuar që të harmonizojnë politikat/objektivat e Komitetit Shtetëror për Kultet, me shpërndarjen buxhetore për realizimin e tyre.

Në zbatim të ligjit nr. 10140, datë 15.05.2009 “Për financimin nga buxheti i shtetit të bashkësive fetare që kanë nënshkruar marrëveshje me Këshillin e Ministrave”, gjatë vitit 2023 janë shqyrtuar kërkesat e paraqitura prej bashkësive fetare. Shuma e akorduar nga Këshilli i Ministrave ishte në masën prej 113 000 000 lekësh, e shpërndarë sipas VKM-së nr. 306 datë 24.05.2023 “Për përcaktimin e masës së financimit, në buxhetin e shtetit 2023, për bashkësitë fetare që kanë nënshkruar marrëveshje me Këshillin e Ministrave”.

#### **➤ Zërat ekonomikë dhe realizimi i tyre**

Në zbatim të politikës së programit “Mbështetje për Kultet Fetare” si një mjet për garantimin e një mjedisi ku, çdo bashkësi fetare të shprehë dhe të praktikojë lirisht të drejtën kushtetuese të besimit dhe duke iu përmbajtur tavaneve

buxhetore të miratuara me VKM-në nr. 130, datë 02.03.2023 “Për miratimin e tavaneve përfundimtare të shpenzimeve të programit buxhetor afatmesëm 2024-2026”, është bërë shpërndarja e fondeve buxhetore sipas artikujve ekonomikë, për secilin produkt.

Përdorimi i fondeve buxhetore e detyron institucionin të zbatojë me përpikmëri ligjin Nr.10296, datë 08.07.2010, “Për menaxhimin financiar dhe kontrollin”, i ndryshuar, duke monitoruar vazhdimisht gjatë harkut vjetor, përputhshmërinë e shpenzimeve institucionale me shkallën e realizimit të objektivave. Në plotësimin e objektivave të pasqyruara në PBA-në e sipërpërmendur, duke përdorur me efikasitet dhe efizienz burimet financiare dhe njerëzore, Grupi i Menaxhimit Strategjik, ka ndjekur hap pas hapi, ecurinë e realizimit të objektivave dhe përdorimin e fondeve përkatëse të destinuara për to, duke dhënë rekomandimet e rastit, duke korrigjuar dhe rialokuar fondet dhe duke ndërhyrë, në rast mangësish, për të realizuar arritjen e objektivave.

Akordimi i fondit buxhetor bën të mundur realizimin e objektivave. Për vitin 2023, KSHK-së i janë akorduar 139,370 mijë lekë. Gjatë vitit buxheti i KSHK u rrit me 4,300 mijë lekë për mbulimin e shpenzimeve të personelit (paga + sig. shoqërore) për periudhën prill-dhjetor 2023, në zbatim të VKM-së nr. 325, datë 31.05.2023, “Për miratimin e strukturës së pagave, niveleve të pagave dhe shtesave të tjera mbi pagë të Zëvendësministrit, funksionarëve të kabineteve, Prefektit, Nënprefektit, nëpunësve civilë dhe nëpunësve në disa institucione të administratës publike”, dhe VKM-së nr. 326, datë 31.05.2023 “Për pagat e punojësve mbështetës dhe punonjësve të tjerë të specialiteteve të ndryshme në disa institucione të administratës publike”.

Fondet e akorduara me ndryshimet gjatë vitit, për funksionimin e aktivitetit të KSHK-së janë në total në vlerën 143,670 (në mijë lekë), me paraqitjen strukturore të mëposhtme:

**Tabela e buxhetit të miratuar sipas zërave ekonomikë për vitin 2023.**

Art.	EMËRTIMI	BUXHETI VJETOR (Plani fillestar i vitit 2023) (në 000/lekë)	BUXHETI VJETOR (Plani përfundimtar viti 2023) (në 000/lekë)
600	Paga	11,072	14772
601	Sigurime shoqërore	1,853	2453
602	Mallra e shërbime të tjera	9,245	9245
604	Transferta Korente të Brendshme	113,000	113,000
230-231	Llog 230-231 Investime	4,000	4,000
606	Fondi i vecantë	200	200
<b>Totali</b>		<b>139,370</b>	<b>143,670</b>

**Tabela e shpërndarjes sipas zërave ekonomikë për vitin 2023.**

<b>SHPENZIME PERSONELI (Lekë)</b>	<b>PLANI VJETOR (Mijë Lekë)</b>	<b>REALIZIMI VJETOR (Mijë Lekë)</b>	<b>PËRQINDJA (%)</b>
<b>Zëri ekonomik 600 (PAGAT)</b>	14,772	14,667	99.0%
<b>Zëri ekonomik 601 (SIGURIMET SHËND. dhe SHOQ.)</b>	2,453	2,402	99%
<b>Zëri ekonomik 602 (MALLRA dhe SHËRBIME)</b>	9,245	4,636	51%
<b>Zëri ekonomik 604 ( TRANSFERTA me të TRETË)</b>	113,000	113,000	100%
<b>Zëri ekonomik 606 ( Transferta tek individë)</b>	200	0	0
<b>Zëri ekonomik 230-231 ( INVESTIME)</b>	4000	3200	80%
<b>Totali</b>	143,670	137,904	96%




- ✚ Në zbatim të strukturës organizative të miratuar me Urdhrin e Kryeministrit Nr. 229, datë 15.12.2023 “Për miratimin e organikës së Komitetit Shtetëror për Kultet”, me 10 punonjës faktik, realizimi i zërave për pagat, sigurimet shoqërore dhe shëndetësore është bërë në masën 99% të fondit të planifikuar për vitin 2023.
- ✚ Fondi për shpenzimet operative është realizuar në masën 51% të fondit të planifikuar për vitin 2023. Ky fond është realizuar për shërbime ndaj të tretëve, si për shlyerjen e detyrimeve të energjisë elektrike, shërbime bankare, postare e telefonike shërbime pastrimi, shpenzime transporti, si furnizim me karburant, mirëmbajtje automjeti, automjet me qira, shpenzime udhëtimi, për udhëtime brenda vendit të punonjësve, si dhe shpenzime për shërbime të tjera mirëmbajtjeje të zakonshme, etj.
- ✚ Një nga pjesët kryesore të buxhetit e përbën zëri për transfertat korrente të brendshme, i cili është realizuar në masën 100%, pas miratimit të VKM-së “Për përcaktimin e masës së financimit, në buxhetin e shtetit 2023, për bashkësitë fetare që kanë nënshkruar marrëveshje me Këshillin e Ministrave”.
- ✚ Fondi për investime për këtë vit është realizuar në masën 80%, për procedurën e prokurimit e hapur, e thjeshtuar, “Rikonstruksion i zyrave të KSHK-së”, për projektin për riparimin e zyrave, për mbikëqyrje dhe kolaudim punimesh.


Gjatë vitit 2023, një pjesë e fondeve të parashikuara për aktivitetet jashtë vendit, nuk janë përdorur; kjo, për arsye të mosrealizimit të këtyre veprimtarive nga faktorë të jashtëm që erdhën nga institucionet homologe të shteteve të tjera rajonale e më gjerë. Këto aktivitete janë parashikuar të realizohen gjatë vitit 2024.

Nga fondi i përgjithshëm buxhetor i planifikuar për vitin 2023, KSHK ka shpenzuar 137,904,221 lekë. Është realizuar buxheti në tërësi në masën 96% kundrejt planit vjetor të vitit 2023.

➤ **Grafiku i realizimit të zërave ekonomike për vitet 2023/2022**



➤ **Grafiku krahasues i realizimit në (%) për vitet 2023/2022**



➤ **Tabela e realizimit të prokurimeve 2023**

Nr .	Objekti i Prokurimit	Fondi Limit	LLoji i Procedur es se Prokurim it	Vlera e kontrat ës	Data e zhvillimit te procedur es se prokurim it	Operatori Ekonomik i shpallur fitues	NIPT i Operatorit Ekonomik
1	Automjet me qera	100000		43272		ELITE CAR	M31614047 F
				41776		ELITE CAR	M31614047 F
2	Bileta te transportit ajror nderkombetar	800000	Purchase Tickets	69680	15/11/2023 12:30 PM	EXPLORER TRAVEL & TOURS	K71617011 Ë
3	Blerje kancelarie	100000		95575		ONIS	K01312004 V
4	Blerje karburanti	100000	Small Value	490000	07/03/2023 01:30 PM	"GEGA CENTER GKG"	K66801001 T
				330000	20/11/2023 11:30 AM	"GEGA CENTER GKG"	K66801001 T
5	Blerje tonerash per printer dhe fotokopje.	100000		90808		InfoSoft Office	J62426002 Q
6	Kolaudim punimesh	8333		8300		GORA ARCHITECTURE DESIGN	J72510447J
7	Materiale pastrimi	100000		55350		S.L.M.	K71605001 B
8	Mbikqyrje punimesh	41666		36500		2D&P HSA Studio	M31611029 P
9	Projekt per riparimin e zyrave.	100000		99983		"TAULANT" SHPK	K61617040 L
10	Rikonstruksi on zyrash	318333	Open Simple	2522558	10/08/2023 11:00 AM	NDERTUESI 2000	J96409033R
11	Riparim autometi carje tubash	37500		37500		Vol-AI Service	K91313048 D
12	Riparim automjeti	13001		13001		Stefan Fetahu	M11809021 O
13	Sherbime larje mjet transporti	75000		11000		VIKTOR KOLA	M01722017 B

				11500		VIKTOR KOLA	M01722017 B
				11500		VIKTOR KOLA	M01722017 B
				11500		VIKTOR KOLA	M01722017 B
14	Sherbime mirembajtje pajisje zyre	100000		13750		AdVision ALBANIA	M11907007 S
				10000		KURA CORP	M32204051 T
15	Sherbime mirembajtjeje (periodike ) te automjetit	100000		12500		Vol-AI Service	K91313048 D
				18800		Stefan Fetahu	M11809021 O
16	Sherbime pastrimi per zyrat e KSHK	208333	Small Value	159800	10/01/2023 11:30 AM	CLEAN FAST	L61807037 R
17	Sherbime restoranti per pritje delegacioni	100000		6000		AIDA BERHAMI	K62112030 M
18	Sigurimi i mjetit te transportit	100000		26710		SIGMA VIENNA INSURANCE GROUP sh.a.	J91329003 O

### ***KONKLUZIONE***

Viti 2023 ka shënuar vazhdimësinë e misionit institucional të KSHK-së. Objektivat janë realizuar në nivel të kënaqshëm.

Aktivitetet/takimet e ndërmarra nga institucioni për të rritur ndjeshmërinë ndaj problemeve sociale dhe për të forcuar bashkëpunimin shtet-fe në nivel kombëtar, janë bërë dhe duhet të vazhdojnë të bëhen shtysë për shtim vëmendjeje dhe përmirësim komunikimi nga ana e KSHK-së.

Efiçienca institucionale duhet forcuar nëpërmjet rritjes së iniciativës në ndërmarrjen e veprimeve që përmbledhen në mision ligjor të tij, në thellimin e bashkëpunimit me institucionet e tjera qendrore dhe vendore dhe në zgjerimin e promovimit ndërkombëtar të harmonisë fetare në vend.